



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CXXXIII. De alternativa tripartira in Provincia Meriana Min. Refor. in
Hungaria.

[urn:nbn:de:hbz:466:1-74724](#)

que plenarios, & integros effectus sortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari: Sicque in præmissis per quoscumque Judices ordinarios, & delegatos etiam causarum Palatii Apostolici Auditores judicari, & definiri debere: ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus præmissis, ac Constitutionibus, & Ordinationibus Apostolicis, necnon quatenus opus sit Ordinis, Provinciarum, & Conventuum hujusmodi, etiam Juramento, confirmatione Apostolica, vel quavis firmitate alia roboratis statutis, & confuetudinibus; Privilegiis quoque, Indultis, & Literis Apostolicis in contrarium præmissorum quomodolibet confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis habentes; illis alias in suo robore permanensuris, ad præmissorum effectum, hac vice dumtaxat specialiter, & expresse derogamus, cæterisque contraria quibuscumque.

Datum Beneventi sub Anulo Piscatoris die III. Aprilis M D C C X X V I I . Pontificatus Nostri Anno Tertio.

CXXXIII.

Confirmantur Literæ Patentes Magistri Generalis Ordinis Minorum super institutione Alternativæ tripartite in Provincia Mariana Minorum Reformatorum in Hungaria.

Inn. XIII. Conf. ed. 1721. Jun. 16. P. 1. confirmatum fuit Decr. Congr. Episc. de Alternativa officiorum pro Provincia S. Ant. in Lusitania, & Clem. XII. Conf. ed. 1732. Sept. 10. P. 3. agitur de distributione officiorum Provincia Terra Laboris eorumdem Fratrum.

Dat. 4. Apr.
1727. An. 3.

BENEDICTUS PAPA XIII.

Ad futuram rei memoriam.

Expositio fa-
cti.

§. 1. Exponi Nobis nuper fecit dilectus filius Procurator Generalis Ordinis Fratrum Minorum S. Francisci de Observantia Reformatorum nuncupatorum, quod cum dilectus filius Matthæus a Pareta Minister Generalis Ordinis eorumdem Fratrum Minorum Sancti Francisci de Observantia, etiam nuncupatorum animadvertisit officia, & dignitates in Provincia Mariana nuncupata prædicti Ordinis non sine maxima partialitate distribui, itaut illius Fratres Natione Germani præsertim notabile inde detrimentum acciperent, ipse Matthæus Minister Generalis, ut huic malo congruum adhiberet remedium, quamdam Alternativam tripartitam inter Fratres totidem Nationum Hungarica scilicet, Germanicæ, & Slavonicæ, quibus dicta Provincia constituitur, statut, aliaque ad servandam inter eos æqualitatem præscriptis, prout uberioris continetur in ipsis Matthæi Ministri Generalis literis Patentibus desuper emanatis tenoris, qui sequitur, videlicet.

§. 2. Fr. R. Matthæus a Pareta Lector Jubilatus Sacrarum Congregationum Indicis, & Rituum Consultor, Supremæ, & Universalis Inquisitionis Qualificator, & totius Ordinis Sancti P. N. Francisci Minister Generalis, & Servus. Cum sicut accepimus a nonnullis probis, fideque dignis Religiosis specialiter requisitus nostra Reformata Provincia Mariana in Hungaria plurimos Conventus locatos habeat, ubi vel integer Populus, aut pars illius linguam dumtaxat Germanicam callet, ubique degere

assolent Germani Gubernatores, aliique tam Ecclesiastici, quam Seculares Benefactores, cum quibus Religiosi præsertim Superiores jugiter agere debent; propterea opportunum, ac necessarium semper putavimus, quod ibidem de familia ii Religiosi collocentur, qui Germanico idiomate rite concionari valeant, quodque quantum distributiva Justitia patitur, Superiores locales præficiantur, qui eamdem Germanicam linguam perfecte tenent. Quia pariter abunde Nobis probatum est, Germanos Patres in præmemorata nostra Provincia, & si præ ceteris in Vinea Domini laborantes Prædicationibus imprimis, ac directionibus Populorum inter Hæreticos, & Schismatics degentium ad Provincie tamen Praefecturas, dignitates, & officia, quam raro vix promoveri, nec ad habitum, & Professionem tot Germanos admitti, quot pro relatis laboribus forent necessarii, quinimo ex ipsis Catalogis a Provincialibus pro tempore transmissis satis superque constat easdem Praefecturas, dignitates, & officia non sine maxima partialitate retineri, ut plurimum ab uno, vel altero ex quatuor Nationibus ex quibus Provincia præfata constat, cum notabili præjudicio Justitiae distributivæ, & aliorem Religiorum. Ex quibus profecto non sine publico detrimento, Religiosa pax, & quies nimium ob turbari dignoscitur.

§. 3. Idcirco ad fraternalm charitatem, Justitiamque distributivam fovendam, & inter tantos Hæreticos animarum salutem magis procurandam ad tres partes eamdem Provinciam ingenii linguis, & Nationibus divisa confidantes, videlicet in Hungaricam modo habentem circiter 146. Frates, Germanicam Religiosos itidem 241. continentem, & Slavonicam, sub qua Croata comprehenduntur, numerum 181. constituent, Alternativam quoque in tribus his partibus in Domino statuere censemus, prout præsenti nostro Decreto futuris temporibus statutam decernimus, & declaramus, Itaut una electione fiat Germanus Provincialis Hungarus, Custos, Diffinitores duo ex Slavonica parte; unus ex Hungaria, & unus ex Germania, ac Secretarius ad libitum Provincialis de Natione Slavonica assumatur, & Amanuensis scriptor de Hungarica. Altera electione fiat Hungarus Provincialis, Slavis Custos, Diffinitores duo Germani; unus Hungarus, & unus de Slavis. Secretarius Germanus, Amanuensis Slavus. Tertia electione fiat de Slavonica parte Provincialis, Custos Germanus, Diffinitores duo Hungari, unus de Slavis, unus Germanus, Secretarius Hungarus, Amanuensis Germanus, sive singulis in electionibus futuris hac methodo Alternativa continuari jubemus, & præcipimus. Quoad Guardianos Tertiæ de quilibet parte dictarum Nationum' instituatur, ita tamen distributa, ut quantum fieri potest, in locis ubi sola una natio Populo in Prædicationibus inservit, ejusdem Nationis Superior ponatur cum Vicario.

§. 4. In locis vero, ubi duobus, vel tribus Nationibus servitur, Alternativa conseretur, ut semel Superior Localis de una Natione, alia vice de alia fiat, Vicario semper existente de altera Natione, quam sit Guardianus, & Discretus de Tertiâ Natione, ubi tribus Nationibus simul servitur concionibus. Noviciatum quælibet Natio in suo loco habeat sub suo primario, & secundario Magistro, ita, & professorium sub duobus Magistris. Quoad Lectores omnis possibilis æqualitas, vel Alternativa trium partium servanda erit, sine exclusione tamen magis dignorum. Quia tamen ex Croatis, & Slavis una componitur Pars, ideo in prædicta unitate semper utrisque habenda erit ratio, adeo ut in officiorum, & dignitatum distributione nun-

Institutio
tripartita Al-
ternativa in
præfata Pro-
vincia.Ordinatio-
nes hac su-
per re.

quam Croatae rationabiliter conqueriri possint. Volumus autem, etiam ad maiorem omnium prefatorum firmitatem, ut antequam haec nostrae definitiones executioni demandentur, confirmatio S. Sedis per P. Procuratorem Generalem Reformatorum obtineatur, & solicitetur. Datum Roma ex nostro Conventu Aracelitano 11. Martii 1727. Fr. Matthaeus a Paretta Minister Generalis -- Loco & Sigilli. De Mandato Suo Reverendiss. Paternitatis -- Franciscus Antonius Maria Spinelli Secr. Generalis.

Preses Procuratoris Gen. Reformatorum.

Confirmatio relatarum litterarum Patentium.

Clausulae.

CXXXIV.

¶. 5. Cum autem, sicut eadem expositi subjungetur, dictus Procurator Generalis præmissa quo firmius subsstant, & serventur exactius, Apostolica confirmationis nostra patrocinio communiri summopere desideret; Nos ipsius Procuratoris Generalis votis hac re quantum cum Domino possumus, benigne annuere volentes, eumque a quibusvis excommunicationis, suspensionis, & Interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati præinsertas memorati Matthei Ministri Generalis Patentes literas, omniaque, & singula in eis contenta, auctoritate Apostolica tenore præsentium confirmamus, & approbamus, illisque inviolabilis Apostolica firmitatis robur adjicimus, ac omnes, & singulos juris, & facti defectus, si qui despici quomodolibet intervenerint supplemus.

¶. 6. Decernentes ipsas præsentes literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & per omnia inviolabiliter observari; siveque in præmissis per quoscumque Judices Ordinarios, & Delegatos, etiam Caesareum Palatii Apostolici Auditores judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

¶. 7. Non obstantibus Constitutionibus, & Ordinationibus Apostolicis, ac quatenus opus sit, prefatorum Ordinis, Provincie, etiam juramento, confirmatione Apostolica, vel quavis firmitate alia roboratis Statutis, & consuetudinibus, privilegiis quoque, Indultis, & literis Apostolici in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis habentes, illis alia in suo robre permanuris, ad præmissorum effectum hac vice dumtaxat specialiter, & expresse derogamus, ceteris que contraria quibuscumque.

Datum Beneventi sub Annulo Piscatoris die IV. Aprilis MDCCXXVII. Pontificatus Nostri Anno Tertio.

Conceditur Capitulo S. Petri de Urbe facultas concedendi Dimissorias ad omnes sacros Ordines, subditis Monasteriorum eidem Capitulo unitorum.

Pius IV. anno 1564. Jun. 20. univit mensa Capitulari dicta Basilica inter alias Abbatiam S. Rufilli Foropomplii, & Inn. XI. Conf. ed. 1678. Feb. 25. P. 2. approbavit decretum dicti Capituli de distributione Beneficiorum Clericis subditis dictæ Abbacie.

Ad perpetuam rei memoriam.

In Apostolicæ dignitatis fastigio meritis licet imparibus, per ineffabilem divinæ Bonitatis abundantiam constituti ad statum omnium Catholici Orbis Ecclesiarum, præfertim Almæ Urbis Nostræ Basilarum, quarum specialis Nobis a Domino credita est solicitude, personarumque in eis Altissimo assidue famulantium propensis studiis jugiter intendimus, earumque decori, ornamento, ac dignitati paterna benignitate libenter consulimus, sicuti omnibus maturæ considerationis trutina perpenitus, salubriter expedire in Domino arbitramur.

¶. 1. Nuper siquidem pro parte dilectorum filiorum Capituli, & Canonicorum Basilarum S. Petri de Urbe Nobis expostum fuit, quod cum alias postquam fe. re. Pius PP. IV. Prædecessor Noster intuitu, ac in remunerationem quorundam subditorum a Capitulo, ac tunc existentibus Canonicis ejusdem Basiliæ in Sedi Apostolica levamen collatorum, per suam Cedula Motus proprii XII. Kal. Julii anno 1564. seu alio priori tempore expeditum, diversa Monasteria Abbatis nuncupata, & præfertim illæ S. Rufilli Oppidi Foropomplii in Ravennaten, & SS. Petri de Cusato, ac Nazarii in Salernitan, respective, seu aliis Provinciis constituta, una cum universis eorum Jurisdictionibus, Vassallis, & subditis eidem Capitulo perpetuo univerat, & incorporaverat, & a quacumque superioritate, tunc, & pro tempore existentium Episcoporum Britoniorum, Pollicastren, & Capitaquen, in Spiritualibus, cum in temporalibus exemerat, anno 1595. tunc existens Episcopus Pollicastren. Jus Ecclesiam ejusdem S. Petri de Cusatis, aliasque ab ea dependentes Parochiales Ecclesias in vim Decretorum Concilii Tridentini, ac tanquam Sedis Apostolicae Delegatus visitandi sibi competente prætendisset, exhibita pro parte Capituli, & Canonicorum præfatorum dicta Cedula Motus proprii super unione, & incorporatione ejusmodi Congregationi tunc temporis pariter existentium S. R. E. Cardinalium ipsius Concilii Interpretum, & rationem utrinque ductuarum momentis per eosdem Cardinales mature expensis, prodiit Resolutio, non licere præfato Episcopo dictas Parochiales Ecclesias tanquam unitas post concilium præfatum visitare.

¶. 2. Postmodum vero, nempe anno 1671. cum tunc etiam existens Episcopus Britonien, qui ad almam Urbem nostram limina Sanctorum Apostolorum Petri, & Pauli visitatione venerat coram eadem Congregatione Cardinalium, licet immrito conquefus fuisset, quod spolium sue ordinariae Jurisdictionis in dicto Oppido Foripomplii, & Terra de Meldola, qua a præfato Monasterio Sancti Rufilli itidem dependent, passus fuisset, ipsaque Congregatio Cardinalium eidem Episcopo Britonien mandasset, ut Jura sua, citatis Capitulo, & Canonicis prædictis, deduceret, plura dubia in dicta Congregatione Cardinalium, & inter alia, an prædicti Capitulum, & Canonicis literas dimissoriales perfonis Jurisdictionis ejusdem Monasterii concedere possent, die 12. Martii 1672. disputata fuerit, super quibus nulla decisiva capta resolutione ejusmodi causa, & Controversia per plures annos siluit, donec illa reassumpta, ac præfertim super facultate concedendi dictas literas dimissoriales, eadem Congregatio Cardinalium postquam die 21. Januarii 1719. proposito sibi Dubio, an etiam si constaret

Verum varie ei indicare fuerit literas, præfertim super facultate concedendi literas dimissoriales subditis eorum Monasteriorum,

Quæ in Congregatione Epif. & Reg. plures dictas literas dimissoriales concessæ fuerint.

Exordium.